

Doo, wat du wullt, de Lüü poten doch

Siet en Sett al funn de Börgmester van O. kien Rüst mehr. Dat gaff kien Stück Land in de Stadt, waar nich irgendeen Schüüfkemake al wat poot harr. Sünner well to fragen, eenfach so. Of dat Verkehrensinseln of Mürkanten weren, Alleinbomen of wat noch all: Daar funn sük överall noch en Glied, waar sük noch en Samenkoorn unnerbrenge leet.

Waar was denn dat Problem? Dat gung um 't Prinzip, meende de Börgmester, daar kunn anners ja Jan un allemann komen. Up sien private Grund kann elk na sien Sinn un Möögpoten – man wenn 't um d' openlike Grund geiht, denn verstunn de Börgmester van O. gien Spaaß.

Un „irgendeen Schüüfkemake“ was seker unnerdren: Sovööl Steden, waar överall poot un sait worden is, dat mutten

minnstens teihn west hebben, de hier togange weren – villicht sogar noch mehr.

De Kulturdezernent verlookfiedelde de Börgmester, de Planteree un Poteree was en neje Trend un nöömde sük „Guerilla-Gardening“. Dat mit de Guerilla in d' Stadt, dat harr wi vör veertig Jahr al maal, doch sük de Börgmester. Do harren de Schandarms mi as Jungspund ok al maal bi 't Slafittje, blot umdat ik lange Haar harr – dat will ik nich noch maal beleven! Noch een Grund mehr, wat tegen de Poter-Guerilla to doon.

Wat is denn en Börgmester weert, de nich maal Baas över sien egen Land is? Dat kann so nich wiedergahn, doch sük de Börgmester van O. daar mutt ik achteran – daar mutt ik Baas över blieven. Un wo muss dat nu? De Schandarms up de Rabatten an-

KOLUMNE

Moin, Moin
Schrievers SpraaK
allerbest moje
Pläseer hoop
Vertellsel
Smüstern

Platt maakt



Wilko Lucht
ist der Autor
dieser Ko-
lumne.

setzen, gung nich. De harren anners wat to doon, un dat gaff ja ok bedüend mehr Blömenbeeten as Schandarms. Dat Quantum van de Schandarms an dat Quantum van Blömenrabbatten bemeten – dat mook kien Binnenminister mit,

doch de Börgmester.

Wenn du tegen dien Feenden nich ankannst, denn musst du dat even anners maken, doch de Börgmester. Also muss en Gartenschau her. Of nu Bundes of Landes, dat is nettgeliek, Hoovdsaak Gartenschau. Daar sall de Binnenminister seker gauer akkerderen. Wenn wi hier eerstmaal en Gartenschau hebben, denkt sük de Börgmester, denn kann mi nüms mehr vörsmieten, in uns Stadt gaff 't to minn Gröönthe. Un dat sogar sünner Guerillagardening.

De Binnenminister leet sük gau övertügen, de Gartenschau kweem (weer man blot en Bezirksgartenschau, wat sull 't!), man de Garten-Guerilla mook all wieder. Do smeed de Börgmester de Mors tegen d' Dieselboom un doch an de olle Spröök: Doo, wat du wullt – de Lüü poten doch!